




綱鑑正史約卷十五

明崑山顧錫疇原編 桂林陳弘謀增訂

晉紀

世祖武皇帝

名炎司馬昭子 在位二十五年

乙酉

晉泰始元年。是歲魏亡。

秋八月魏晉王昭卒太子

炎嗣○冬吳遷都武昌

十二月晉王炎稱皇帝廢魏主為陳留王

追尊懿為宣帝師為

景帝昭為文帝魏主負至惠帝太安元年卒

晉大封宗室

晉主懲曹氏孤立之敝故大封宗室授以職任

晉除漢魏宗室禁錮罷將吏質任

紉者牛鼻
繩所以牽
牛者以青
絲爲之

時晉主承魏刻薄奢侈之後欲矯以仁儉有司言
御牛青絲紉斷詔以青麻代之

晉以傅玄皇甫陶爲諫官

晉初置諫官以傅玄皇甫陶爲之玄以魏末士風
頽敝上疏曰近者魏武好法術而天下貴刑名魏
文慕通達而天下賤守節其後綱維不攝放蕩盈
朝遂使天下無復清議陛下龍興受禪未舉清遠
有禮之臣以敦風節未退虛鄙之士以懲不恪臣
是以猶敢有言晉主嘉納然亦不能革也

丙戌

晉泰始二年
吳寶鼎元年

冬十二月吳還都建業

吳主居武昌揚州之民泝流供給甚苦左丞相陸

太子出宮
直者在
前
聖殿儀曰
洗馬與
先通蘇典
切前也

凱上疏曰武昌土地險瘠非王者之都且童謠云
寧飲建業水不食武昌魚寧還建業死不止武昌
居此足明民心與天意矣乃還都建業

丁亥

晉泰始三年
吳寶鼎二年

春正月晉立子衷為太子

有司奏東宮施敬二傳其儀不同晉主曰崇敬師
傳所以尊道重教也其令太子申珥

晉徵犍為李密不至

晉主徵密為太子洗馬密以祖母老上表固辭許
之密與人交每公議其得失而切責之常言吾獨
立於世顧影無儔然而不懼者以無彼此於人故
也

戊子

晉泰始四年
吳寶鼎三年

春正月晉詔立考課法不果行

晉主詔河南尹杜預爲黜陟之課預奏古者黜陟擬議於心不泥於法末世疑心而信耳目疑耳目而信簡書簡書愈繁官方愈僞魏氏考課卽京房之遺意然失於苛細以違本體故歷代不能通也豈若申唐堯舊制去密就簡委任達官各考所統歲第其人言其優劣如此六載主者摠集採案其言六優者超擢六劣者廢免優多劣少者平叙劣多優少者左遷其有優劣徇情不協公論者當委監司彈之事竟不行

夏四月晉太保王祥卒

祥卒門無雜弔之賓其族孫戎嘆曰太保當正始
之世不在能言之流及間與之言理致清遠豈非
以德掩其言乎

巳丑

晉泰始五年
吳建衡元年

春二月晉以羊祜都督荊州軍事

晉主有滅吳之志使祜都督荊州鎮襄陽祜緩懷
遠近甚得江漢之心與吳人開布大信降者欲去
皆聽之滅成邏之卒以墾田八百餘頃其始至也
軍無百日之糧及其季年乃有十年之積祜在軍
常輕裘緩帶身不披甲鈴閣之下侍衛不過十數

人

庚寅

晉泰始六年
吳建衡二年

夏四月吳以陸抗都督諸軍治樂

晉書閏內
通鑑架以
陽不虞

鄉

城名在荊州府松滋縣

抗以吳主政事多闕上疏曰臣聞德均則衆者勝寡力侔則安者制危此六國所以并於秦西楚所以屈於漢也今敵之所據廣於秦漢而國家外無連衡之援內非西楚之彊議者所恃徒以長江峻山限帶封域此乃守國之末事非智者之所先也臣每念及此中夜撫枕臨餐忘食夫事君之義犯而勿欺謹陳時宜十七條以聞吳主不納

壬辰

晉泰始八年吳鳳凰元年

春二月晉太子衷納妃賈氏

晉主初欲爲太子娶衛瓘女充妻郭槐賂楊后左右使后說納其女晉主曰衛公女有五可賈公女

監戰船也
四方施板
以禦矢其
如牢
也
木片

有五不可衛氏種賢而多子美而長白賈氏種姤而少子醜而短黑后固以為請荀勗等皆稱充女絕美且有才德晉主遂從之賈妃年十五長太子二歲茹忌多權詐太子嬖而畏之

夏晉以王濬為益州刺史

濬至益州明立威信蠻夷歸附俄遷大司農晉主與羊祜陰謀伐吳祜以為宜藉上流之勢密表畱濬加龍驤將軍使治水軍大作舟艦木柿蔽江而下吳建平太守吾彥取以白吳主曰晉必有攻吳之計宜增建平兵以塞其衝吳主不從彥乃為鐵鎖橫斷江路建平今歸州

秋九月吳步闡據西陵叛降晉

西陵今黃州府

冬十一月吳陸抗拔西陵誅步闡晉羊祜等救之不及

吳主旣克西陵志益張大使術士尙廣筮取天下對曰吉庚子歲青蓋當入洛陽吳主喜不修德政專爲兼并之計祜歸自江陵務修德以懷吳人每交兵刻日方戰不爲掩襲之計將帥有欲進譎計者輒飲以醇酒使不得言軍行吳境刈穀爲糧皆計所侵送絹償之每遊獵常止晉地若禽獸先爲吳人所傷而爲晉兵所得者皆送還之於是吳邊人皆悅服祜與陸抗對境使命常通抗遺祜酒祜

飲之不疑。抗疾求藥於祐。祐以成藥與之。抗卽服之。人多諫抗。抗曰：「豈有醜人羊叔子哉？」抗告其邊戍曰：「彼專爲德，我專爲暴，是不戰而自服也。各保分界而已，無求細利。」祐從甥王衍詣祐論事，辭甚清辨。祐不然之，衍拂衣去。祐顧謂賓客曰：「王夷甫方當以盛名處大位，然敗俗傷化，必此人也。」及攻江陵，祐以軍法將斬王戎。衍戎之從弟也，故皆憾之。時人語曰：「二王當國，羊公無德。」

癸巳

晉泰始九年吳鳳凰二年

秋，晉選公卿女備六宮。

選女入宮，始此。

甲午

晉泰始十年吳鳳凰三年

秋七月，晉以山濤爲吏部尚書。

濤典選十餘年，甄拔人物，各爲題目而奏之，時稱

山公啓事

晉以嵇紹爲秘書丞

東關之敗
指曹休石
亭車是時
魏賈逵向
東關也文
帝謂司馬
昭元帥謂
懿懿柄政

紹康之子也以父得罪屏居私門至是山濤薦徵
之紹欲辭不就濤謂之曰爲君思之久矣天地四
時猶有消息況於人乎紹乃應命初東關之敗文
帝問寮屬曰今日之事誰任其咎安東司馬王儀
對曰責在元帥文帝怒曰司馬欲委罪於孤耶斬
之儀子裒痛父非命隱居教授三徵七辟皆不就
未嘗西向而坐廬於墓側旦夕攀栢悲號涕淚着
樹樹爲之枯讀詩至哀哀父母生我劬勞未嘗不
三復流涕門人爲之廢蓼

鹿
莪遂不仕而終

司馬光曰：諸康王、熒死，皆不以其罪。二子不仕晉室，可也。猶紹苟無蕩陰之忠，殆不免於君子之譏乎。

吳大司馬荊州牧陸抗卒

抗疾病，上疏曰：西陵建平，國之藩表。旣處上流，受敵二境，若敵汎舟順流，星犇電邁，非可恃援。他郡以救倒懸，此乃社稷安危之機也。臣父遜昔在西陲，上言西陵國之西門，雖云易守，亦復易失。若有不守，非但失一郡，荊州非吾有也。如其有虞，當傾國爭之。臣死之後，乞以西方爲屬。及卒，吳主使其子晏、景、玄、機、雲分將其兵。機、雲皆善屬文，名重於世。初，周魴之子處，膂力絕人，不修細行，鄉里患之。

處嘗問父老曰。今時和年豐而人不樂。何邪。父老
歎曰。三害不除。何樂之有。處曰。何謂也。曰。南山白
額虎。長橋蛟。并子爲三矣。處曰。若所患止此。吾能
除之。乃射虎殺蛟。遂從機雲受學。篤志讀書。砥節

礪行。比及期年。州府交辟。

長橋在常州府
宜興縣治南

丙申

晉咸寧二年
吳天璽元年

冬十月。晉加羊祜征南大將軍。

祜上疏請伐吳。曰。期運雖天所授。而功業必因人
而成。蜀之爲國。皆云一夫荷戟。千人莫當。及進兵
之日。曾無藩籬之限。乘勝席捲。徑至成都。誠以力
不足以相抗也。今江淮之險。不如劍閣。孫皓之暴
過於劉禪。吳人之困。甚於巴蜀。而大晉兵力盛於

史事者謂
老成人時
可為而不
為則老成
人以後時
為恨

往時不於此際平一四海而更阻兵相守使天下
困於征戍經歷盛衰不可長久也議者多有不同
祜歎曰天下不如意事十常居八九天與不取豈
非更事者恨於後時哉唯度支尚書杜預中書令
張華贊成其計

晉立后楊氏以后父駿為車騎將軍

戊戌

晉咸寧四年
吳天紀二年

夏六月晉羊祜入朝

祜以病求入朝既至面陳伐吳之計晉主善之以
祜疾不宜數入更遣張華就問籌策祜曰孫皓暴
虐已甚可不戰而克若皓不幸而沒吳人更立令
主雖有百萬之眾長江未可窺也華深然之祜曰

成吾志者子也。晉主欲使祜卧護諸將，祜曰：「取吳不必臣行，但既平之後，當勞聖慮耳。」

秋晉大水螟

詔以水災問主者，何以佐百姓？杜預上疏以爲：「今者水災，東南尤劇，宜敕兗、豫等州留漢氏舊陂以蓄水，餘皆決瀝，令饑者得魚菜，螺蚌之饒。此目下日給之益也。水去之後，填淤爲田，畝取數鍾，此又明年之益也。與牧種牛有四萬五千餘頭，可給民使耕種，責其租稅，此又數年以後之益也。晉主從之，民賴其利。」

冬晉以衛瓘爲尚書令

時朝野咸知太子昏愚不堪爲嗣。瓘欲啓而不敢。會侍晏凌雲臺。瓘陽醉跪晉主牀前欲言而止者三。因以手撫牀曰。此座可惜。晉主意悟。因謬曰。公真大醉邪。遂悉召東宮官宴。而密封尙書疑事。令太子決之。賈妃大懼。倩外人代對。多引古義。給使張泓曰。太子不學。陛下所知不如直以意對。妃喜。謂泓曰。便與我好答。富貴與汝共之。泓卽具草。令太子自寫。晉主省之甚悅。先以示瓘。瓘大蹶踏。衆人乃知瓘嘗有是言。賈充密遣人語妃云。衛瓘老奴幾破汝家。

凌雲臺在洛陽縣魏文帝所築高二十三丈登之可見孟津

冬十一月晉詔母得獻奇技異服